



堯山堂外紀卷四

晉陵蔣仲舒編

漢

武皇帝徹

景帝夢神女捧日以授王夫人吞之而生帝又夢高祖謂已曰王美

人得子可名為彘及生帝因名焉七歲立為太子上曰彘者徹也因改名徹

帝行幸河東祠后土顧視帝京忻然中流與羣臣

飲讌帝歡甚乃自作秋風辭云秋風起兮白雲

飛。艸木黃落兮鴈南歸。蘭有秀兮菊有芳。懷佳

弄山堂外紀卷四

人兮不能忘。汎樓船兮濟汾河。橫中流兮揚素

波。簫鼓鳴兮發擢歌。歡樂極兮哀情多。少壯幾

時兮奈老何。

元狩初南陽新野有暴利長遭刑屯田于燉煌郡

郡有渥洼水利長數於水旁見群馬中有奇者

與凡馬異來飲此水利長先作土偶持勒鞞於

水旁馬玩習久之代土偶持勒鞞收得其馬獻

之欲神異此馬云徙木中出帝次以為天馬之

音半馬是  
在後



歌曰太一貢兮天馬下。電赤汗兮沫流赭。騁容  
與兮緹萬里。今安匹兮龍為友。

大宛國有山高其上。有馬不可得。乃取王色馬母  
置其下。與集生駒。皆汗血。因號天馬。一日可致  
千里。帝伐大宛。得之作歌曰。天馬徠兮徃西極。  
經萬里兮歸。有德承靈威。今降外國。涉流沙兮  
四夷服。

李延年中山故倡也。坐法腐刑。給事狗監中。善歌

堯山堂外紀卷四

二

為新變。穀帝甚愛之。嘗侍上起舞。歌曰。北方有  
佳人。絕世而獨立。一顧傾人城。再顧傾人國。寧  
不知傾城與傾國。佳人難再得。上歎息曰。世豈  
有此人乎。平陽公主曰。言延年有女弟。上召見  
之。實妙麗。善舞。由是得幸。是為李夫人。時人語  
曰。一雌復一雄。雙飛入紫宮。

淮南王安招方術之士。皆謂神仙。上聞而喜。於是  
方士自燕齊至者數千人。齊人李少翁年二百

餘歲色若童子拜為文成將軍歲餘術未驗上  
漸厭倦會李夫人死上甚思悼之少翁云能致  
其神乃夜張帳明燭陳酒食令上居他帳中遙  
見李夫人不得就視上愈益想之乃作賦曰美  
聯娟以修嫫兮命天絕而弗長飾莊宮以延佇  
兮泯不歸乎故鄉慘鬱鬱其悶感兮處幽隱而  
懷傷稅餘馬於上椒兮掩脩夜之不陽又為作  
詩令樂府諸音家絃歌之詩曰是邪非邪立而

堯山堂外紀卷四

望之偏何姍姍其來遲

初帝深愛李夫人死後常思夢之或欲見夫人

帝貌鰕頰嬪御不寧詔李少君與之語曰朕思李夫人其可得乎少君曰可遙見不可同帷幄暗海有潛英之石其色青輕如毛羽寒盛則石温暑盛則石冷刻為人像神悟不異真人帝曰此石像可得否少君曰願得樓船巨力千人能浮水登木皆使明于道術齋不死之藥乃至暗海經十年而還昔之去人或昇雲不歸或託形假處獲反者四五人得此石即命工人依先圖刻作夫人形刻成置于輕紗幙裡宛若生時帝大悅問少君曰可得近乎少君曰譬如申宵忽夢而晝可得近觀乎此石毒宜遠望不可遠也勿輕萬乘之尊惑此精魅之物帝乃從其諫見夫人畢少君乃使舂此石人為丸服之不復思夢乃築靈夢臺歲時祀之

帝思懷李夫人時始穿昆靈之池汎翔禽之舟帝  
自造歌曲使女伶歌之時日已西傾涼風激水  
女伶歌聲甚道因賦落葉哀蟬曲曰羅袂兮無  
聲玉墀兮塵生虛房冷而寂寞落葉依於重  
窗望彼美之女兮安得感余心之未寧帝聞唱動  
心悶悶不自支持命龍膏之灯以照舟內悲不  
自止親侍者覺帝容色愁怨乃進洪梁之酒酌  
以文螺之卮帝飲三爵色悅心歡乃詔女伶出

堯山堂外紀卷四

四

侍帝息於延涼室卧夢李夫人授帝薝蔔之香  
帝驚起而香氣猶著衣枕歷月不歇帝彌思求  
終不復見涕泣洽席遂改延涼室為遺芳夢室

鍾山有香草東方朔獻帝懷  
之即夢見李夫人名懷夢草

車子侯者扶風人武帝愛其清淨稍遷其位至侍  
中一朝語家云我今補仙官此春應去至夏中  
當暫還還少時復去如其言帝思之乃作歌曰  
嘉幽蘭兮延秀葦妖媪兮中澹華斐斐兮麗景

風裴徊兮流芳。皇天兮無慧。至人逝兮仙鄉。天  
路遠兮無期。不覺涕下兮霑裳。

元鼎初帝作栢梁臺成至元封初詔羣臣有能為  
七言詩乃得上坐帝首倡云日月星辰和四時  
梁孝王武云驂駕駟馬從梁來大司馬霍去病  
云郡國士馬羽林林丞相石慶云總領天下誠  
難治大將軍衛青云和撫四夷不易哉御史大  
夫倪寬云刀筆之吏臣執之大常周建德云撞

堯山堂外紀卷四

五

鐘伐鼓聲中詩宗正劉安國云宗室廣大日益  
滋衛尉路博德云周衛交戟禁不時光祿勳徐  
自為云總領從宗栢梁臺廷尉杜周云平理清  
讞決嫌疑大僕公孫賀云脩飾輿馬待駕來大  
鴻臚壺充國云郡國吏功差次之少府王温舒  
云乘輿御物主治之大司農張成云陳粟萬石  
揚以箕執金吾中尉豹云微道宮下隨討治左  
馮翊盛宣云三輔盜賊天下危左扶風李成信

云盜阻南山為民災京兆尹云外家公主不可  
治詹事陳掌云椒房率更領其材典屬國云蠻  
夷朝賀常舍其大匠云柱枅櫨櫃相扶持大官  
令云枇杷橘栗桃李梅上林令云走狗逐兔張  
罟罟郭舍人云齧妃女唇甘如飴東方朔云迫

窘詰屈幾窮哉

帝又於望鶴臺西起俯月臺臺下穿影娥池每登臺眺月影入

池中使宮人乘舟笑弄月影曰名影娥池亦曰眺瞻臺

元鼎間鄧支國貢馬肝石百斤長以水銀納玉函

堯山堂外紀卷四

六

中金泥封其上此石半青半白碎之和九轉丹  
每吞一丸彌年不饑渴以之拭髮白皆黑帝常

坐群臣于甘泉殿有髮白者以此拭之應手皆  
黑是時公卿語曰不用作方伯唯願拭馬肝石

元封初帝既封禪乃發卒數萬人塞瓠子決河還  
自臨祭湛白馬玉璧令群臣從官皆負薪塞決  
河時東郡燒草以故薪少乃下淇園之竹以為  
楫上既臨河決悼其功之不就為作歌詩二章

於是卒塞虜子築宮其上名曰宣防歌曰虜子  
決兮將柰何浩浩洋洋兮慮殫為河殫為河兮  
地不涸寧功無已時兮吾山平吾山平兮鉅野  
溢魚弗鬱兮柏冬日正道弛兮離常流蛟龍騁  
兮放遠遊歸舊川兮神哉沛不封禪兮安知外  
為我謂河伯兮何不仁汎濫不止兮愁吾人齧  
桑浮兮淮泗滿久不返兮水維緩又曰河湯湯  
兮激潺湲北渡回兮迅流難蹇長菱兮湛美玉  
堯山堂外紀卷四

七

河伯許兮薪不屬薪不屬兮衛人罪燒蕭條兮  
噫乎何以禦水隕林竹兮攄石菑宣防塞兮萬  
福來

元封中帝遣江都王建女細君為公主以妻烏孫  
王昆莫公主至其國自治宮室居歲時一再與  
昆莫會置酒飲食昆莫年老言語不通公主悲  
乃自作歌云吾家嫁我兮天一方遠托異國兮  
烏孫王穹廬為室兮氊為牆以肉為食兮酪為



漿居常土思兮心內傷。願為黃鵠兮歸故鄉。

大初二年大月氏國貢雙頭鷄四足一尾鳴則俱鳴武帝置甘泉故館更以餘鷄混之得其種類而不能鳴諫者曰詩云牝鷄無晨今雄類不鳴非吉祥也帝乃送還西域行至西閔鷄反顧漢宮而哀鳴謠言曰三七末世鷄不鳴犬不吠宮中荆棘亂相繫當有九虎爭為帝至王莽篡位將軍有九虎之號其後喪亂彌多宮掖中生蒿堯山堂外紀卷四

棘家無鷄鳴犬吠

武帝崩後忽見形謂陵令薛平曰我雖失勢猶為汝君柰何令吏卒上吾陵磨劍乎因不見推陵旁果有方石可為礪吏卒常盜磨刀劍霍光欲斬之張安世曰神道茫昧不宜為法故阮公詠懷詩曰失勢在湏臾帶劍上吾丘

董仲舒

廣川人漢末有董永者性至孝貸主

人為妻同造主人織練三百一月而畢辭永去曰我天織女也生一子名仲深于天

文術數之學後乃訛仲舒為仲舒天女嫁永  
事本虛誕而仲舒為永子尤妄不可不辨  
仲舒沒門人過其墓皆下馬  
謂之下馬陵語訛為豎墓陵

董仲舒嘗下帷獨詠忽有客來詣風姿音氣殊為  
不凡與論五經究其微奧仲舒素不聞有此人  
而疑其非常客又曰欲雨仲舒因此戲之曰巢  
居知風穴居知雨卿非狐狸即是鼯鼠客聞此  
言色動形壞化成老狐蹶然而走

後漢鍾離意為孔子脩車入廟拭几席劍履張伯

堯山堂外紀卷四

九

除堂下草土中得壁七懷其一埋其六牀下有  
懸甕問戶曹曰夫子丹書發之得素書云後世  
脩吾書董仲舒護吾車拭吾履發吾筭會稽鍾  
離意辟有七張伯懷其一

東方朔

小名曼倩父張夷字少平年二百歲  
顏若童子夷死母田氏寡居夢太白

星臨其上曰有妊歎曰無夫而妊人將棄  
我乃移向代郡東方里為居五月旦生朔  
因以所居里為氏朔為名或云朔生三日  
而田氏死鄰母收養之時東方始明因以  
姓焉朔生而目如懸珠齒如編貝東郡獻  
短人呼朔至曰王母種桃三千年一開花

三千年一結子。此見不良三偷之矣。俗言朔是太白星精。黃帝時為風堯時為務成子。周時為老聃。在越為范蠡。在齊為鸕夷子皮。又有言朔是歲星之精。歲星東方木星也。朔死歲星隕。朔娶神君姒。宛若為小妻。生子三人。與朔俱死。

武帝嘗使諸數家射覆。東方朔自贊曰。臣嘗受易

請射之。射連中時。有幸倡郭舍人滑稽不窮常

侍左右曰。朔狂幸中耳。非至數也。臣願令朔復

射。朔中臣榜百朔不能中。臣賜帛迺覆樹上。寄

生令朔射之。朔曰。是窶數也。舍人曰。果知朔不

弄山堂外紀卷四

十

能中也。朔曰。在內為膾乾肉。為脯。着樹為寄生

盆下為窶數。上令倡監榜舍人。舍人不勝痛呼

晷朔笑之曰。咄口無毛聲。警警尻益高。舍人恚

曰。朔擅詆欺天子。從官當棄市。上問朔何故詆

之。對曰。臣與為隱耳。上曰。隱云何。朔曰。夫口無

毛者。狗竇也。聲警警者。鳥哺穀也。尻益高者。鶴

悅喙也。舍人不服。因曰。臣願復問朔。隱語不知

亦當榜。即妄為諧語。曰。令壺齟老柏塗。伊優亞

行叫牙何謂也朔曰令者命也壺者所以盛也  
齟者齒不正也老者人所敬也柏者鬼之廷也  
塗者漸如徑也伊優亞者辭未定也行叫牙者  
兩犬爭也舍人所問朔應聲輒對變詐鋒出莫  
能窮者左右大驚上以朔為常侍即遂得愛幸  
郭舍人復謂朔曰願問一事客從東方且歌且行  
不從門入踰我垣墻遊戲中庭上入殿堂擊之  
拍之死者穰穰格鬪而死主人不傷是何物也

幸山堂外紀卷四

十一

東方朔曰利啖細身蓋匿出昏嗜肉惡燈指掌  
所捫臣朔愚戇名之曰蚊

武帝遊上林見一好樹問東方朔曰名善哉帝陰  
使人識其樹後數歲復問朔朔曰名為瞿所帝  
曰朔欺久矣名與前不同何也朔曰夫大為馬  
小為駒長為鷄小為鶡大為牛小為犢人生為  
兒長為老且昔為善哉今為瞿所長少死生萬  
物敗成豈有定哉帝乃大笑

上林嘗獻棗上以杖連擊未央前殿檻再叱而呼  
曰朔來朔來先生知此筐中何物朔曰上林獻  
棗四十九枚上曰何以知之對曰呼臣者上也  
以杖擊檻而下者兩木林也來來者棗也叱叱  
者四十九也上大笑賜帛十疋

司馬相如

字長卿小字犬子以慕蔭相如故名初往蜀郡過昇仙橋題其柱曰

大丈夫不乘駟馬車不復過此橋後果乘駟馬歸將獻賦夢一黃衣翁謂之曰可為大人賦遂作大人賦以獻賜錦四匹長安有夢亂之片亦善為賦音為清思賦時人

壽山堂外紀卷四

十二

不之貴託父目如所  
作遂大見重於世

可馬相如與臨邛令王吉相善往舍都亭臨邛中  
富人卓王孫為具召之并召令酒酣令前奏琴  
曰竊聞長卿好之願以自娛相如辭謝為鼓一  
再行其詞曰鳳兮鳳兮歸故鄉。遨遊四海求其  
皇。時未遇兮無所將。何悟今夕兮升斯堂。有豔  
淑女在閨房。室爾人。邀毒我腸。何緣交頸為鴛  
鴦。胡頡頏兮共翱翔。鳳兮鳳兮從我棲。浮托尊

尾永為妃。交情通體心和諧。中夜相從知者誰。  
雙翼俱起翻高飛。無感我思使余悲。是時卓王  
孫有女文君新寡。故相如繆與令相重。而以琴  
心挑之。文君竊從戶窺。心悅而好之。既罷相如  
乃使人重賜文君侍者。通殷勤。文君夜亡奔相  
如。相如乃與馳歸成都。居貧愁薄。以所著鷓鴣  
裘就市人陽昌贖酒。與文君為懽。既而文君抱  
頭而泣曰。我上生富足。今乃以衣裘贖酒盍歸。

堯山堂外紀卷四

十三

臨邛。從昆季假貸。獲足為生。相如乃俱至臨邛。  
置酒舍。令文君當壚。相如親著犢鼻禪滌器。以  
耻王孫。王孫果以為病。乃厚給文君。

文君姣好。眉色如望遠山。臉際常若芙蓉。肌膚柔  
滑如脂。十七而寡。為人放誕風流。故悅長卿之  
才。而越禮焉。及長卿將聘茂陵人女為妾。文君  
作白頭吟以自絕。長卿乃止。其辭曰。皚如山上  
雪。皎若雲間月。聞君有兩意。故來相決絕。今

日斗酒會明旦溝水頭縹緲御溝上溝水東西  
流淒淒重淒淒嫁娶不須啼願得一心人白  
首不相離竹竿何嫋嫋魚尾何篸篸男兒重  
意氣何用錢刀為

文君與相如書曰春華競芳五色凌素琴尚在御  
而新聲代故錦水有死漢宮有木被物而親嗟  
世之人兮替于媯而不悟再與書曰朱絃斷明  
鐘缺朝露晞冷頰歎白頭嗙傷離別努力加餐

堯山堂外

四

二四

毋念妾銷水湯與君長訣

長卿素有消渴疾及還成都悅文君之色遂以發

痼疾乃作美人賦欲以自刺而終不能改卒以

此疾至死文君為誄曰嗟嗟夫子兮亶通儒少

好學兮綜群書縱橫劍伎兮英敏有譽尚慕往

哲兮更名相如落魄遠遊兮賦子虛畢爾壯志

兮四駟馬高車憶昔初好兮雍容孔都憐才仰德

兮琴心兩娛永託為妃兮不耻當壚生平淺促

兮命也難扶。長夜思君兮形影孤。步中庭兮霜草枯。雁鳴哀哀兮吾將安如。仰天太息兮抑鬱不舒。訴此悽惻兮疇忍聽予。泉穴可徙兮願殞其軀。

灌夫 潁川人初魏其侯竇嬰失勢賓客衰獨夫不去嬰乃厚遇之相引為重

灌夫不好文學喜任俠諸所與交通無非豪傑大猾家累數千萬食客日數十百人陂池田園宗旌賓客為權傾潁川潁川兒歌之曰潁水清

堯山堂外紀卷四 十五

灌氏寔 潁水濁潁氏族 夫剛立使酒數因醉忤丞相田蚡蚡乃奏案夫家屬暴橫得棄市罪族

誅

韓嫣 字王孫武帝為膠東王時與相愛後出入永巷不禁以姦聞賜死

韓嫣好彈以金為丸一日所失者十餘長安語曰苦饑寒逐彈丸京師兒童每聞嫣出彈輒隨之望丸所落便拾取焉

堯山堂外紀卷四終



堯山堂外紀卷五

晉陵蔣仲舒編

漢

昭帝弗陵

武帝巡狩過河間有紫青氣自地屬天望氣以為其下當有奇女天

子之祥上使求之見一女子在空館中姿貌殊絕兩手勾拳數十人劈之莫能舒上

自披手手即伸由是得幸號拳夫人居鉤弋宮解黃帝素女之術大有寵有娠十四

月而產帝

始元元年黃鵠下建章宮太液池中群臣以為瑞

堯山堂外紀卷五

上壽稱加帝為歌曰黃鵠飛兮下建章羽肅々

兮行蹌蹌金為衣兮菊為裳嗟喋荷符出入兼

葭音減自顧菲薄愧爾嘉祥是時帝初即位年九

歲

始元元年帝穿淋池廣千步中植分枝荷一莖四

葉狀如駢蓋日照則葉低蔭根若葵之衛足也

名曰低光荷實如玄珠可以飾珮花葉雜萎芬

芳之氣徹十餘里食之令人口气常香宮人嘗

之每遊宴出入必皆舍嚮或剪以為衣或折以  
蔽日以為戲弄帝時命水嬉以文梓為船木蘭  
為拖刺飛鸞翔鷄飾於船首隨風輕漾畢景忘  
歸乃至通夜使宮人歌曰商飈素景泛洪波揮  
纖手兮折芰荷涼風淒淒揚棹歌雲光開曙月  
依河萬歲為樂豈云多帝大悅因起游瀛臺于  
池上

池中又有倒生菱莖如亂絲一花十葉根  
浮水上實沉沉裡泥如紫色謂之紫泥菱

舍之今  
人不老

堯山堂外記

五

二

燕刺王旦自以為帝元不待立乃與蓋長公主上

官桀等謀廢帝事覺王憂懣置酒萬載宮會賓

客羣臣妃妾坐飲王自歌云歸空城兮狗不吠

雞不鳴橫術何廣廣兮固知國中之無人華容

夫人起舞而續歌云髮紛紛兮寘渠骨籍籍兮

亡居母求死子兮妻求死夫裴回兩渠間兮君

子將安居歌畢坐者皆泣天子使使者賜壘書

王以綬自絞夫人隨旦自殺

蘇武

字子卿天漢初使匈奴留十九年始以強壯出及歸鬚髮盡白

蘇武初使匈奴時作詩留別妻云結髮為夫妻恩

愛而不疑歡娛在今夕燕婉及良時征夫懷往

路起視夜何其參辰皆已沒去去從此辭行役

在戰場相見未有期握手一長歎淚為生別滋

努力愛春華莫忘歡樂時生當沒來歸死當長

相思妻答詩云與君結新婚宿昔當別離涼風

動秋草蟋蟀鳴相隨冽冽寒蟬吟抱枯枝

堯山堂外紀卷五

枯枝時飛揚身體急遷移不悲身體移當惜歲

月馳月馳無窮極會合安可知願為雙黃鸝悲

鳴戲清池

李廣有孫陵善騎射拜騎都尉天漢中將步卒五

千擊匈奴轉聞矢盡遂降虜單于以女妻之立

為右校王陵與蘇武善與武詩云携手上河梁

遊子暮何之徘徊蹊路側恨恨不能辭行人難

久留各言長相思安知非日月弦望自有時努

力崇明德。皓首以為期。

始元間匈奴與漢和親。漢使求蘇武等。謂單于言  
天子射上林中。得鴈足。有繫帛書。知武等在。某  
澤中。單于乃許武還。李陵置酒賀武。曰：異域之  
人一別長絕。因起舞而歌。泣下數行。遂與武決  
歌曰：徑萬里兮度沙漠。為君將兮奮匈奴。路窮  
絕兮矢刃摧。士眾滅兮名已隕。老母已死。雖欲  
報恩。將安歸。武亦以詩別。陵曰：雙鳧俱北飛。一  
鳧獨南翔。子當留斯館。我當歸故鄉。一別如秦  
胡。會見何詎央。愴恨切中懷。不覺淚沾裳。願子  
長努力。言笑莫相忘。

亮山堂外紀卷五

四

王吉 字子陽。琅琊人。事宣帝。為諫諍。吉子駿。駿子崇。世名清廉。皆好車馬衣服。其自

奉養極為鮮明。天下服其廉。而恠其奢。故俗傳王陽能作黃金。明帝時復有一王吉。

則虎賁郎也。

王吉少時居長安。其東家有枣樹。垂吉庭中。吉婦

取枣啖吉。吉知之。乃去。婦東家聞而欲伐其樹。

隣里共勸止之因請吉還婦里中語曰東家伐樹王陽婦去東家棗完去婦復還

王吉與貢禹為友時稱王陽在位貢禹彈冠蕭育與朱博為友著聞當代長安語曰蕭朱結綬王貢彈冠

明帝東巡泰山到滎陽有鳥飛鳴乘輿上虎賁郎王吉射中之作祝辭曰烏烏啞啞引弓射洞左腋陛下壽萬年臣烏三千石帝大悅賜錢百萬

堯山堂外紀卷五  
令亭壁悉畫烏

王褒 字子淵與司馬長卿符子雲皆產蜀世稱長卿淵雲之文

宣帝神爵初頗修武帝故事聞益州有金馬碧雞之神可醮祭而致於是遣王褒使持節求之褒

祭文曰漢持節使王褒謹拜南崖敬移金精神

馬縹碧之雞處南之荒溪谿曰谷非士之鄉歸

來歸來漢德無疆庶平唐虞澤配三皇

似馬碧形似雞今碧雞山在南府真池西金馬山在滇池

漢書音義金形

王子淵以事到浦上寡婦楊惠告有一奴名便了  
倩行酤酒便了捍大杖上冢巔曰大夫買便了  
時只約守冢不約為他家男子酤酒子淵大怒  
曰奴寧欲賣耶惠曰奴父許人無欲者子即  
決賣券之奴渡曰欲使皆上不上券便了不能  
為也子淵曰喏作券文曰神爵三年正月十五  
日資中男子王子淵從成都安志里女子楊惠  
買夫時戶下髻奴便了決賣萬五千奴從百役  
克山堂外紀卷五

六

使不得有二言兼起灑掃食了洗滌居當穿曰  
縛筵栽孟鑿井浚渠縛落鉏園研陌杜埤地刻  
大枷屈竹作杷削治鹿盧出入不得騎馬載車  
蹠坐大叻下牀振頭垂釣芻刈显結葦臘纜沃不  
酪住醜醜織履作麓黏雀張鳥結網捕魚繳鴈  
彈鳧登山射鹿入水捕龜浚園縱魚鴈鶩百餘  
驅逐鷓鴣鳥持梢牧猪種薑養羊長育豚駒糞除  
常繫餒食馬牛鼓四起坐夜半益芻二月春分

口歷  
口如

被隄杜疆落桑皮。櫻種瓜作瓠。別茄披葱。被糕  
發等。壘集破封。日中早芟雞鳴起。春調治馬馱。  
葉落三重。舍中有容提壺行。酷汲水作舖。滌杯  
整按。園中拔蒜斷蘇。切脯築肉。臠芋膾魚。魚鱉  
烹茶。盡具脯已。蓋葺閨門塞。實餽猪縱犬。勿與  
鄰里爭鬪。奴但當飯豆飲水。不許嗜酒。欲以美  
酒。唯得染唇漬口。不許傾盃覆斗。不許辰出夜  
入。交關伴偶。舍後有樹。當栽作船。上至江州。下  
堯山堂外紀卷五

七

到煎主為府掾。求用錢推訪。惡敗機索。綿亭買  
席。往來都落。當為婦女求脂澤。敗於小市。歸都  
擔。臬轉出旁蹉。牽犬販鵝。武陽買茶。楊氏池中  
擔荷。往來市聚。慎護姦偷。入市不許夷躡。旁卧  
惡言醜罵。多作刀子。持入益州。貨易牛羊。奴自  
交精惠。不許癡愚。持斧入山。斷槩栽。若殘當  
作。俎机木屐。及彘盤。焚薪作炭。石疊薄岸。治舍  
蓋屋。書削代牘。日暮以歸。當送乾薪兩三束。四

月當破。五月當獲。十月收豆。多取蒲芋。益作繩索。兩墮無所為。當編蔣織箔。植種苑李梨柿。拓桑三丈一樹。八尺為行。果類相從。縱橫相當。果熟。收歛。不得吮嘗。犬吠當起。驚告鄰里。棖門柱戶。上樓擊鼓。倚盾曳鈔。還落三周。勤心疾作。不得邀遊。奴老力索。種莞織蓆。事訖欲休。當春一石。夜半無事。浣衣當白。若有私歛。主給賓客。奴不得有奸私。事事當聞白。奴不聽教。當答一百。

堯山堂紀卷五

八

讀券文。徧訖詞窮。咋索。佗佗扣頭。兩手自搏。目淚下落。鼻涕長一尺。當如王大夫言。不如早歸。黃土陌。蚯蚓鑽額。早知當爾。王大夫酤酒。真不敢作惡。

後石崇效之作。奴券黃庭堅效之作。跋奚奴文。

匡衡 字稚圭。家貧無油。鄰舍有燭。每穿壁引其光讀書。元帝朝為丞相。封樂鄉侯。

匡衡世農夫。至衡好學。邑大姓家富多書。衡乃為其傭作。而不求直。願得主人書遍讀之。主人感

歎。資給以書。遂成大學。能說詩。諸儒為之語曰。



無說詩。匡鼎來。匡說詩。解人頤。鼎衡小名也。

諸葛豐

元帝朝為城門校尉

諸葛豐以剛直著名。舉刺無所避。京師語曰：問何濶逢諸葛。

五鹿充宗

元帝朝尚書令

五鹿充宗為梁丘易元帝好之。欲考其異同。令與諸易家論。充宗辨口。諸儒莫能抗。有薦朱雲者。召入攝齊登堂。抗首而請。音動左右。諸儒為之

堯山堂外紀卷五

九

語曰：五鹿嶽嶽。朱雲折其角。

石顯為中書令。威權日盛。僕射牢梁少府五鹿充宗與結為黨。諸附倚者皆得寵位。民歌之曰：牢邪。石邪。五鹿客邪。印何纍纍。綬若々邪。

成帝初。石顯以罪免。歸故郡道死。其黨牢梁陳順皆免官。少府五鹿充宗左遷。玄菟太守御史中丞伊嘉為鴈門都尉。長安謠云：伊徙鴈。鹿徙菟。去年與陳實無買。

王嬙字昭君元帝時匈奴入朝願墮漢代以嬙配之號寧胡閼氏今秭歸縣有嬙君村卒葬匈奴謂之青塚晉

以文王諱昭改胡妃云

元帝後宮既多不浥常見乃使畫工圖其形按圖召幸宮人皆賂畫工昭君自恃其貌獨不與乃惡圖之及後匈奴入朝選美人配之昭君之圖當行及入辭光彩射人悚動左右天子方重信外國悔恨不及窮按其事畫工有杜陵毛延壽矣市籍其資財昭君在胡作詩以怨思云秋木

堯山堂外紀卷五

十

萋々其葉萎黃有烏處山集于苞桑養育毛羽形容生光既浥升雲上遊曲房離宮絕曠身體摧藏志念抑沈不浥頡頏雖浥委食心有徊徨我獨伊何來往變常翩翩之燕遠集西羗高山峩峩河水泱泱父兮母兮道里悠長嗚呼哀哉憂心惻傷

成帝驚

初元帝為皇太子所幸司馬良娣病

人子得元城王政君送太子宮政君故人衣御史賀孫女是歲生帝於甲館畫堂宮

帝愛之自名  
曰鷲字太孫

帝為微行出遊常與富平侯張放俱稱富平侯家  
人過陽阿主作樂見舞者趙飛燕而幸之時童  
諺曰燕燕尾涎涎張公子時相見木門倉琅根  
燕飛來啄皇孫皇孫妬燕啄矢涎涎美好晚張  
公子謂富平侯也木門倉琅根為宮門銅鑊言  
將尊貴也後遂立飛燕為皇后弟昭儀賊害後  
宮皇子卒皆伏辜時又有謠曰邪徑敗良田讒  
堯山堂外紀卷五十一

口亂善人桂樹華不實黃爵巢其顛昔為人所  
羨今為人所憐桂赤色漢家象華不實無繼嗣  
也王莽自謂黃象黃爵巢其顛也

帝於太液池作千人舟號合宮之舟池中起為瀛  
洲榭高四十尺帝御流波文縠無縫衫趙后衣  
南越所貢雲英紫裾碧瓊輕綃廣榭上后歌舞  
歸風送遠之曲曰涼風起兮天隕霜懷君子兮  
渺難望感予心兮多慨慷帝以文犀簪擊玉甌

令后所愛侍郎馮無方吹笙以倚后歌中流歌  
酣風大起后順風揚音無方長喻細嫋與相屬  
后裙髀曰顧我顧我后揚袖曰仙乎仙乎去故  
而就新寧忘懷乎帝曰無方為我持后無方捨  
吹持后履久之風霏后泣曰帝息我使我仙去  
不待悵然曼嘯泣數行下帝益愧愛后賜無方  
千萬入后房闈它日宮姝幸者或襞裙為縵號

曰畱仙裙飛燕父名馮萬金江都王孫女姑蘇  
主嫁趙曼萬金通焉一產二女長曰

堯山堂外紀卷五

十二

宜主次曰合德皆冒姓趙宜主幼聰慧家有彭  
祖方脉書善行氣術長而纖便輕細舉止翩然  
人謂之飛燕合德膏滑出浴不濡善音辭輕縹  
可聽飛燕既召入大幸合德復召入俱為婕妤  
飛燕浴五蘊七香湯踞通香沉香坐燎降神百  
蘊香合德浴蓋菘湯傳露華百英粉帝常私語  
樊嬈曰后雖有異香不若婕妤體自香也又嘗  
謂婕妤為溫柔鄉曰吾老是鄉矣不能效武皇  
帝求白雲鄉也

班婕妤左曹越騎校尉况之女少有才學成帝選  
入宮以為婕妤後趙飛燕譖其呪考問之上

善其對遂求供養太后長信宮作怨歌行曰新

裂齊紉素皎潔如霜雪裁成合歡扇圓似明月出入君懷袖動搖微風蕪常恐秋節至涼飈奪炎熱弃捐篋笥中恩情中道絕帝崩充奉園陵薨回葬園中

馮野王

字君卿馮奉世子九人而四子通四經野王通詩遠通易立通春秋參通

尚書

成帝時馮野王為上郡太守其後弟立亦南五原

太守徙西河上郡立居職公廉治行略與野王

堯山堂外紀卷五

十三

相似而多知有息貸好為條教吏民嘉美野王立相代為太守歌之曰大馮君小馮君兄弟繼踵相因循聰明賢知惠吏民政如魯衛德化鈞周公康叔猶二君

翟方進

字子威年十五為小吏有蔡父奇其相曰小吏也而有侯骨當以經術進

乃謝病歸

汝南舊有鴻隙大陂郡以為饒成帝時關東數水陂溢為害翟方進為相與御史大夫孔光共遣

椽行視以為決去陂水其地肥美省隄防費而無水憂遂奏罷之王莽時常枯旱郡中追怨方進言方進請陂下良田不浔而奏罷陂因為童諶云壞陂誰翟子威飯我豆食羹芋魁言不生生豈及乎覆陂當浚誰云者而黃鵠託神告之

鮑宣

哀帝朝拜司隸以不附王莽見殺

鮑宣子永永子昱三世皆為司隸而乘一驄馬京師人歌之曰鮑氏驄三人司隸再入公馬雖瘦

堯山堂外紀卷五

十四

行狀

楊雄

字子雲成都人其父寓巫山生雄論者謂鐘十二峰之秀楊氏自季至雄五世

而傳一子雄子烏稱神童九歲而夭故蜀無它楊雄作甘泉賦成夢吐五臟在地著

太玄經夢白鳳

鳳集其頂上

揚子雲家產不過十金嘗戲作逐貧賦曰揚子遁

世離俗獨處左隣崇山右接曠野鄰垣乞兒終

貧且窶禮薄義弊相與群聚惆悵失志呼貧與

語汝在六極投棄荒遐好為庸卒刑戮是加匪

惟幼稚嬉戲土砂。居非近鄰接屋連家。思輕毛羽。義薄輕羅。進不由德。退不受呵。久為滯客。其意謂何人。皆文繡余禍。不完人皆稻梁。我獨藜殮。貧無寶玩。何以接歡。宗室之燕。為樂不繁。徒行負債。出處易衣。身服百役。手足胼胝。或耘或耔。露體霑肌。朋友道絕。進官凌遲。厥咎安在。職汝為之。舍汝遠竄。崑崙之顛。爾漫我隨。翰飛奕天。舍爾登山。巖穴隱藏。爾漫我隨。陟彼南岡。捨

爾入海。汎彼柘舟。爾漫我隨。載沉載浮。我行爾動。我靜爾休。豈無它人。從我何求。今汝去矣。勿浚久留。貧曰唯唯。主人見逐。多言益唾。心有所懷。願得盡辭。昔我乃祖。宣其明德。克佐帝堯。誓為典則。土階茅茨。匪彫匪飾。爰及世季。縱其昏惑。饕餮之群。貪富苟得。鄙我先人。乃傲乃驕。瑋臺瓊榭。室屋崇高。流酒為池。積肉為嶠。是用醜逝。不踐其朝。三省吾身。謂予無咎。慶君之家。福

祿如山忘我大德思我小怨堪寒能暑少而習  
馬寒暑不忒等壽神僊桀跖不顧貪類不干人  
皆重蔽子獨露居人皆怵惕子獨無虞言辭既  
罄色厲目張攝齊而興降階下堂誓將去汝適  
彼首陽孤竹二子與我連行余乃避席辭謝不  
直請不貳過聞義則服長與汝居終無厭極貧  
遂不去與我遊息

子雲作法言蜀富人賈錢十萬頭載一名子雲不聽以富

無仁義之行正如園中之鹿欄中二牛安得妄載

堯山堂外紀卷五

王莽篡位後復上符命者莽盡誅之時楊雄校書  
天祿閣使者欲收雄雄恐乃從閣自投幾死京  
師為之語曰惟寂惟寞自投于閣爰清爰靜無  
作符命

蔣詡

字元卿

蔣詡為兗州刺史王莽為宰衡詡奏事到霸上移  
病歸杜陵荆棘塞門舍中三徑唯羊仲求仲從  
之遊二人皆治車為業推廩逃名時人謂之二



仲曰有諺曰楚國二龔不如杜陵蔣翁

堯山堂外紀卷五終  
堯山堂外紀卷五

堯山堂外紀卷六

晉陵蔣仲舒編

漢

世祖秀

字文叔生時有嘉禾一莖九穗之瑞故名王莽改貨曰貨泉人以其字為

白水真人帝竟徙南陽白水鄉起

王莽末漢兵起舂陵戴侯曾孫玄在平林兵中號

更始將軍以世祖行大司馬事後更始委政於

趙萌所授官爵皆群小賈豎或有膳夫庖人長

堯山堂外紀卷六

安中為之語曰竈下養中郎將爛羊胃驕都尉

爛羊頭關內侯由是關中離心四海怨叛時成

紀隗囂起兵應漢更始徵至長安逃歸天水囂

少病蹇天水童謠曰出吳門望緹群見一蹇人

言欲上天今天可上地上安得民後囂意稍廣

欲為天子遂被滅

吳門冀齊門名也緹群山名

更始時南陽有童謠曰諧不諧在赤眉得不得在

河北是時更始在長安世祖為大司馬平定河

北更始大臣竝僭專權故謠妖作也後更始遂為赤眉所殺世祖自河北興

世祖建武六年蜀中童謠曰黃牛白腹五銖當復是時公孫述僭號於蜀時人竊言王莽稱黃述欲繼之故稱白五銖漢家貨明當復也述遂誅滅

郭况

郭皇后弟也世祖數幸其臨賞賜金帛豐盛莫比京師號况家為金穴

郭况累金數億錯拾寶以飾臺榭懸明珠於四垂堯山堂外紀卷六

二

晝視之如星夜望之如日里語曰洛陽多錢郭氏室夜日晝星富無匹

陰長生

陰皇后親屬後馬明生學度世之道後于丰都山中白日昇天長生嘗裂

黃表寫丹經一通封以文石之函著嵩高山一通封以白銀之函著蜀縵山今丰都山仙都觀西壁有天成四年人書長生古詩三章

陰真人鍊丹歌曰有物有物可大可久採乎蚕食

之前用乎火化之後成湯自上而臨下夸父處

中而見受氣應朝光功參夜漏白英聚而雪愁

黃酥凝而金醪轉制不已。神趣鬼駭。金歟玉歟。天年上壽。無著於文。談文在口。

馬援

字文淵。初字客卿。援幼而岐嶷。兄甚奇之。以為將相器。故以客卿字焉。明德皇

后援女也。建武中。選入太子宮。時年十三。為貴人。明帝即位。立為后。

建武間。馬援拜伏波將軍。征交趾。綠海而進。隨山刊道。千餘里。十八年。軍至始平。之封新息侯。後武陵蠻寇臨沅。援請行。援門生袁寄生善吹笛。援作武溪溪行以和之。曰。滔滔武溪。一何深。鳥堯山堂外紀卷六。三。飛不度。獸不能臨。嗟哉武溪。今多毒。淫軍至壺頭不利。卒軍中。

明德皇后美於色。厚於德。帝用嘉之。嘗從觀畫。過舜廟。見娥皇女英帝指之。戲后曰。恨不得如此者為妃。又前見陶唐像。后指堯曰。嗟乎。羣臣百僚。恨不得如此者為君。帝顧而笑。

馬后履行節儉。事從簡約。馬廖慮以美業難終。上䟽長樂宮。以勸成德。政曰。傳曰。吳王好劍客。百

姓多創癡。楚王好細腰，宮中多餓死。長安語曰：城中好高髻，四方高一尺；城中好廣眉，四方且半額；城中好大袖，四方全匹帛。斯言如戲，有切事實，后溪納之。

張堪

字君游，少時志美行勵，號曰聖童。為光祿大夫，數諫。堪乘白馬，光武每有異政，輒曰：白馬生且復諫矣。在漁陽八年，妻子寒素如一日。與同里朱暉善，以妻子託堪卒。暉聞其妻子貧困，自往候視，厚賑給之。

建武中，張堪為漁陽太守，捕擊姦猾，賞罰必信。吏

幸山堂外紀卷六

四

民皆樂為用。乃於狐奴開稻田八千餘頃，勸民耕種，以致殷富。百姓歌之曰：桑無附枝，麥穗兩岐。張君為政，樂不可支。

建武中，朱暉再遷臨淮太守，好節槩，有所拔用，皆厲行士，諸報怨以義犯，率皆為求。其理多滯生濟，其不義之囚，即時僵仆。吏人畏愛，為之歌曰：疆直自遂，南陽朱季。吏畏其威，民懷其惠。

樊曄

建武中樊曄爲天水太守政嚴猛好申韓法善惡立斷人有犯其禁者率不生出獄吏人及羌胡畏之道不捨遺商旅委錢物于道旁曰以付樊父後還其物如故涼州爲之語曰遊子常苦貧力子天所富寧見乳虎穴不入冀府寺大笑期必死忿怒或見置嗟我樊府君安可再遭值

叶

### 戴憑

建武中戴憑徵博士詔公卿大會群臣皆就席憑素山堂外紀卷六

五

獨立世祖問其意對曰博士說經皆不如臣而坐居臣上是以不得就席帝令與諸儒難說帝善之後正旦朝賀令群臣說經更相難詰義有不通輒奪其席以益通者憑遂重坐五十餘席京師語曰說不窮戴侍中

明帝莊

初名陽封  
東海王

永平中袁牢王柳貌遣子率種人內屬帝以其地置袁牢博南二縣割益州郡西部都尉所領六

縣合為永昌郡始通博南山度蘭倉水行者苦  
之作歌曰漢德廣開不賓度博南越蘭津度蘭  
倉為它人

帝既通博南益州刺史朱黼宣示漢德威懷遠夷

白狼王唐啟等慕化歸義作詩三章有捷為郡

掾田恭譯其辭語黼令從事李陵與恭護送詣

闕遠夷樂德詩曰提官隗構大漢是治魏冒踰糟與天

意合因譯劉陴吏譯平端旁莫支留不從徵衣隨旅聞

堯山堂外紀卷六

向知唐桑艾所見奇異邪毗縑繡多賜推潭僕遠甘

酒拓拒蘇便昌樂局後仍離屈申倭讓龍洞美

貧莫支度由無所陽雒僧鱗願主莫釋角存子

昌遠夷慕德詩曰僕讓皮尼蠻夷且交陵悟日

之繩動隨旅慕義踞且俛雒歸日聖德渡諾聖

濕魏菌度洗與人綜邪流藩冬多芥邪尋螺夏

和藐潯瀘灘寒温菌補邪推部人辟危歸險危

歷莫受萬柳不遠術疊附德去俗仍路孳模心

慈母遠夷懷德詩曰荒服之儀荒服之外犁籍憐憐土地

坑阻蘇和犁食肉衣皮莫碣麤沫不見因譯傳微吏譯

傳風是漠夜拒大漠安樂蹤優路仁携負歸仁雷折險龍觸

狹倫狼藏幢高山岐峻扶路側祿綠崖磻石息洛服淫薄

發家理瀝髭雒百宿到洛捕萑菌毗父子同賜懷豪匹漏懷抱

正帛傳言呼救傳告種人陵陽臣僕長願臣僕帝嘉之事下

史官錄其詩焉

周澤字暉都安立人少習公羊嚴氏春秋隱居教授學徒數百人

堯山堂外紀卷六

七

周澤永平中為太常恒齋其妻怜其年老疲病窺

內問之澤大怒以為干齋掾吏叩頭爭之不聽

遂收送詔獄并自劾論者非其激發諺曰居世

不諧葉為太常妻一歲三百六十日三百五十

九日齋叶一日不齋醉如泥既作事復低迷

廉范字叔度

建初中廉范為蜀郡太守成都民物阜盛邑宇偏

側舊制禁民夜作以防火災而更相隱蔽燒者



日屬范乃毀削前令但嚴使儲水百姓以為便  
乃歌之曰廉叔度來何暮不禁火民安作昔無  
襦今五袴

黃香

字文疆江夏人肅宗詔  
詣東觀讀所未嘗見書

黃香博學經典究精道術能文章京師號曰天下  
無雙叶江夏黃童

黃香有奴號髯奴常有辭責其髯曰我觀人髯長  
而復黑冉冉弱而調離離若綠坡之竹鬱鬱若春  
堯山堂外紀卷六

八

田之苗因風披靡隨風飄颻爾乃附以豐頤表  
以娥眉發以素顏呈以妍姿約之以紺綫潤之  
以芳脂莘莘翼翼靡靡綏綏振之發膠黝若玄  
珪之垂於是搖鬚奮髯則論說唐虞鼓髻動鬣  
則研覈否臧內育瓌形外闡宮商相如以之開  
都顯孫以之堂堂豈若子髯既亂且緒枯槁禿  
瘁劬勞辛苦汗垢流離污澁泥土僉囁穰穰與  
塵為侶無素顏可依無豐頤可怙動則困於惚

滅靜則寔於囚虜。薄命為鬚。正著子願為此不能疵其四體。為智不能飾其形骸。癩鬚瘦面。常如死灰。曾不如大羊之毛尾。狐狸之毫釐。為子鬚者不亦難乎。

梁鴻

字伯鸞。後易姓。運期名曜。字侯光。鴻少孤。尚節。嘗獨止。不與人同食。比舍先炊。

已呼鴻及妻。更然之。同郡孟氏。其女名光。狀貌醜。而黑力能舉石。曰擇而不嫁。至年三十。鴻聞聘之。光每具食。舉案齊眉。

梁鴻與妻子共入霸陵山中。以耕織為業。詠詩書。

堯山堂外紀卷六

九

彈琴自娛。慕前世高士為四皓。以耒二十四入

作頌。因東出關。過京師。作五噫歌。曰陟彼北丘。

兮。噫。顧瞻帝京兮。噫。宮闕崔嵬兮。噫。民之劬勞

兮。噫。遼遼未央兮。噫。肅宗聞而悲之。求鴻不得。

梁鴻久居齊魯之間。有頃又去。適吳。將行作詩曰。

逝舊邦兮。遐征。將遙集兮。東南。心愷怛兮。傷悴。

志菲菲兮。升降。欲乘策兮。繼邁。疾吾俗兮。作讒。

競舉枉兮。措直。咸先佞兮。啜啜。固靡慙兮。獨建。

冀異州兮尚賢。聊逍遙兮遨嬉。續仲尼兮周流。  
倘云覩兮我悅。遂舍車兮即浮。過季札兮延陵。  
求魯連兮海隅。雖不察兮光貌。幸神靈兮與休。  
惟季春兮華阜。麥舍英兮方秀。哀茂時兮逾邁。  
愍芳香兮日臭。悼我心兮不獲。長委結兮焉究。  
口囂囂兮余訕。嗟怳怳兮誰留。及抵吳兮依大家。  
臯伯通兮居廡下。潛匿著書十餘篇。卒伯通為求。  
葬地于要離冢。傍曰要離。卽士伯鸞清高。可令  
堯山堂外紀卷六

十

之相近

初鴻友人京兆高恢少好老子隱于華陰山中及  
鴻東遊思恢作詩曰鳥嚶嚶兮友之期念高子  
兮僕懷思想念恢兮爰集茲二人遂不復相見  
恢亦高抗終身不仕

鴻在吳依臯伯通高士傳  
高恢字伯通恐是臯高同

音而伯通  
同字也

桓麟

字元龍沛郡龍  
元人榮曾孫

桓麟年十二在伯父桓焉坐焉告客曰此吾弟子

有異材殊能作詩賦客乃作詩示麟曰甘羅十  
二楊鳥九齡昔有二子今則桓生麟即應聲答  
曰邈矣甘羅超等絕倫伊彼楊鳥命世稱賢嗟  
予蠢弱殊才偉年仰慙二子俯愧過言

班固

字孟堅和帝時以竇憲賓客收捕死獄中  
所著漢書未就詔固女弟昭踵成之  
昭適曹氏帝數召入宮令皇后諸貴人師事焉  
號曰大家

班孟堅白雉詩曰啟靈篇兮披瑞圖獲白雉兮效

素鳥嘉祥阜兮集皇都發皓羽兮奮翹英容潔

堯山堂外紀卷六

十一

朗兮於純精彰皇德兮侔周成永延長兮膺天  
慶

曹大家鍼縷賦曰鎔秋金之剛精形微鈔而直端  
性通遠而漸進博庶物而一貫惟鍼縷之列迹  
信廣博而無原退逶迤以補過似素絲之羔羊  
何斗筭之足筭咸勒石而升堂

張霸

字伯饒數歲知孝讓號張曾子

永元中張霸為會稽太守時賊未解郡界不寧乃

移書開購明用信賞賊遂束手歸附不煩士卒  
之力童謡歌曰弃我戟捐我矛盜賊盡吏皆休

吳資

字元約  
太山人

永建中吳資為巴郡太守屢獲豐年人歌之曰吳  
資其辭曰習習晨風動澍雨潤禾苗我后恤時  
務我人以優饒及資遷去人思資又歌曰吳資  
其辭曰望遠忽不見惆悵當徘徊恩澤實難忘  
悠悠心永懷

素山堂外紀卷六

十二

張衡

字平子南陽人作二京賦十年乃成衡  
死日祭邕母始懷孕二人才貌甚相類

人云邕是  
衡後身

陽嘉中張平子遷侍中宦官懼其毀已共讒之出  
為河間王相時天下漸弊鬱鬱不得志乃為四  
愁詩一思曰我所思兮在太山欲往從之梁父  
艱側身東望涕霑翰美人贈我金錯刀何以報  
之英瓊瑶路遠莫致倚逍遙何為懷憂心煩勞  
二思曰我所思兮在桂林欲往從之湘水溼側

身南望涕霑襟。美人贈我金琅玕。何以報之雙  
玉盤。路遠莫致倚惆悵。何為懷憂心煩傷。三思  
曰我所思兮在漢陽。欲往從之隴阪長。側身西  
望涕霑裳。美人贈我貂襜褕。何以報之明月珠  
路遠莫致倚踟躕。何為懷憂心煩紆。四思曰我  
所思兮在鴈門。欲往從之雪雰雰。側身北望涕  
霑巾。美人贈我錦繡段。何以報之青玉案。路遠  
莫致倚增歎。何為懷憂心煩惋。

堯山堂外紀卷六

十三

張衡定情歌曰大火流兮草虫鳴。繁霜降兮草木  
零。秋為期兮時已征。思美人兮愁屏營。

張衡同聲歌曰邂逅承際會。得克君後房。情好新  
交接。恐慄若探湯。思為堯蕩席。在下蔽匡牀。願  
為羅衾幃。在上衛風霜。

堯山堂外紀卷七

晉陵蔣仲舒編

漢

桓帝志

字曰意帝所厚者中官所悅者女寵惟此兩途

帝初封蠡吾侯。質帝無嗣。太尉李固欲立清河王蒜。大將軍梁冀貪樹疏幼。以為已功。乃白太后策免固。迎立帝。是月固幽斃于獄。暴死道路。而太尉胡廣封安樂鄉侯。司徒趙戒。厨亭侯。司空堯山堂外紀卷七

袁湯安國亭侯。京都童謠云。直如弦。死道邊。曲如鉤。反封侯。

元嘉中涼州諸羌一時俱反。大為民害。帝命將出眾。每戰常負中國。益發軍卒。麥多委棄。天下童謠曰。小麥青青。大麥枯。誰當穫者。婦與姑。丈夫何在。西擊胡。吏買馬。君具車。請為諸君鼓。隴胡元嘉永興間。京師童謠云。城上烏尾畢。逋公為吏。

子為徒。一徒苑。百乘車。車班班。入河間。河間姪。

女工數錢以錢為室金為爐石上慊慊春黃粮

梁下有懸鼓我欲擊之丞卿怒也按此皆為政貪也城上烏尾畢

速者處高利獨食不與下若謂人主多聚歛也

公為吏子為徒者言蠻夷將畔逆父既為軍吏

其子又為卒徒往擊之也一徒死百乘車者言

前一入往討胡既死矣後又遣百乘車往車班

班入河間者言桓帝將崩乘輿班班入河間迎

靈帝也河間姪女工數錢以錢為室金為堂者

靈帝既立其母永樂太后好聚金以為堂也石

上慊慊春黃梁言永樂唯積金錢慊慊常若不

足吏民春黃梁而食之也梁下有懸鼓我欲擊

之丞卿怒者言永樂主教靈帝使賣官受錢所

求非其人天下忠篤之士怨望欲擊懸鼓以

求見丞卿主鼓者亦復譟順怒而止我也

堯山堂外紀卷七

桓帝時有人辟公府掾者情人作奏記文人不能

為作因語曰梁國葛龔者先善為記文自可寫

用不煩更作遂從人言寫記文不去龔名姓府

公驚不答而罷歸時人語曰作奏雖工宜去葛

龔

桓帝之世更相濫舉人為之諂曰舉秀才不知書

舉孝廉父別居寒素清白濁如泥十高第良將

怯如雞



朱穆

字公叔暉之子梁冀素聞穆名辟之使典兵事拜御史桓帝徵拜尚書

朱穆與劉伯宗絕交詩曰北山有鷗不潔其翼飛

不正向。寢不定。息。餓則木欖飽則泥伏。饕餮貪

汚。臭腐是食。填腸滿臆。嗜欲無極。長鳴呼鳳。謂

鳳無德。鳳之所趨。與子異域。永從此訣。各自努

力。

仇覽

字季智一名香

仇覽為蒲亭長。初到亭有陳元之母詣覽告元不

堯山堂外紀卷七

三

孝。覽以善言勸慰之。母聞感悔。涕泣而去。覽乃

親到元家。與其母子飲。因為陳人倫孝行。譬以

綸福。元卒成孝子。鄉邑為之諺曰。父母何在。在

我庭。化我。鳴。梟。哺。所。生。

邊韶

字孝先。以文學知名。桓帝徵為大中大夫。所著有塞賦一篇。傳世。

邊孝先教授常數百人。曾晝日假臥。弟子私譏之

曰。邊孝先。腹便便。懶讀書。但欲眠。孝先潛聞之

應時對曰。邊為姓。孝為字。腹便便。五經笥。但欲

眠思經事寐。與周公通夢。靜與孔子同意。師而可嘲。出何典記。嘲者大慙。

靈帝宏

河間孝王曾孫先封解瀆亭侯嘗問侍中楊奇朕何如桓帝對曰亦猶虞

舜比德唐堯

靈帝起裸游館千間。渠水遶砌。蓮大如蓋。長一丈。夜舒。晝卷。名夜舒荷。宮人年二七以上三六以下。皆靚粧而解上衣。或共裸浴。西域貢茵墀香。煮湯。宮人以此沐浴。畢。餘汁入渠。號流香渠。

堯山堂外紀卷七

四

帝乘舡遊漾。選玉色宮人執篙。揖奏招商之曲。以來涼風。歌曰涼風起兮。日照渠青荷。晝偃葉。夜舒。惟日不足。樂有餘。清絲流管。歌玉鳧。千秋萬歲喜。難踰。

長陵田鳳為尚書郎。儀貌端正。入奏事。靈帝目送之。因題殿柱曰堂。堂乎。張京兆。田郎。

靈帝中。平中京。都有董逃。歌云承樂世。董逃遊。四郭董逃。蒙天恩。董逃帶金紫。董逃行謝恩。董逃。

整車騎董逃垂欲發董逃興中辭董逃出西門  
董逃瞻宮殿董逃望京城董逃心摧傷董逃時  
董卓以此歌主為已族大禁絕之改董逃為董  
安云

靈帝末京都童謠云族非族王非王千乘萬騎上  
北芒至中平六年少帝登躡至尊獻帝未有爵  
號為中常侍段珪等所執公卿百官皆隨其後  
到河上乃得來還此為非族非王上北芒云

堯山堂外紀卷七

五

胡廣

字伯始本黃姓以五月五日生父母惡之藏葫蘆中弃河流岸側居人收養及

長有盛名父母欲取之廣以為肯其所生害義背其所養忘恩兩无所歸託葫蘆而生也乃姓胡名廣

胡廣周流四公三十餘年歷仕六帝練達故事明  
解朝章京師諺曰萬事不理問伯始天下中庸  
有胡公廣常遜言恭色取媚於時天下以此薄  
之

趙壹

字元叔光和元年舉劄上計是時司徒袁逢受計與河南尹羊陟共稱薦之名

勳京師及西還州郡爭致  
禮命十辟公府並不就

趙壹恃才倨傲為鄉黨所擯後屢抵罪幾至死反  
人救得免壹作疾邪賦末云有秦客者乃為詩  
曰河清不可俟人命不可延順風激靡草富貴  
者稱賢文籍雖滿腹不如一囊錢伊優北堂土  
骯髒倚門邊魯生聞此辭繫而作歌曰執家多  
所宜效唾自成珠被褐懷金玉蘭蕙化為芻蕘  
者雖獨悟所困在群愚且各守爾分勿復空馳  
堯山堂外紀卷七

六

驅哀哉復哀哉此是命矣夫

趙壹又有窮鳥賦曰有一窮鳥戢翼原野罟網加  
上機穿在下前見蒼隼後逼驅者繳彈張右羿  
弓發左飛丸繳矢交集於我思飛不得欲鳴不  
可舉頭畏觸搖足恐墮內獨怖急乍米乍火

皇甫嵩

字義真

靈帝末黃巾作亂以皇甫嵩為左中郎將討賊數  
有功拜左車騎將軍領冀州牧封槐里侯奏請

以冀州一年田租贍飢民百姓歌曰天下大亂  
兮市為墟母不保子兮妻失夫賴得皇甫子渡  
安居。

獻帝協

字曰合曹丕篡位廢為山陽公

獻帝初有詔曰今耆儒年踰八十去離本土結童  
入學白首空歸長委農野永絕榮望朕甚憫焉  
其依科罷者聽為太子舍人時長安中為謠曰  
頭白皓然食不充糧。裹衣褰裳當還故鄉。聖主  
堯山堂外紀卷七

愍念悉用補郎舍是布衣被服玄黃

獻帝初京都童謠云千里草何青青十日卜不得

生千里草為董十日卜為卓未幾為王允所殺

乃應其讖

凡別字之體皆從上起左右離合無有從下發端者今二字如此天意若

曰卓自下摩上以臣陵君耳

劉虞

獻帝初拜太傅敝衣繩屨食無兼肉

初平初關東諸將奉幽州牧劉虞為帝虞不受時

有童謠云燕南垂趙北際中央不合大如礪唯

有此中可避世。公孫瓚以為易地當之乃攻殺  
虞盡有幽州之地曰徙鎮焉建安三年瓚為袁  
紹所滅斯亦自易地而去世云

劉表

字景升荆  
州刺史

初平初荀越勸劉表南據江陵北守襄陽表從之  
襄陽有冠蓋亭在冠蓋山下靈帝末有四郡守  
七都尉二卿兩侍中一黃門二侍郎三尚書六  
刺史二十長史表以其豪盛乃即其山道口刊  
堯山堂外紀卷七

石銘之曰峨峨南岳烈烈離明寔繁俊乂君子  
以生惟此君子佐漢之英德為龍光聲比鶴鳴

仲長統

字公理嘗著論曰昌言後叅  
曹操軍事獻帝遜位之歲卒

仲長統有述志詩二首其一曰飛鳥遺跡蟬蛻亡

殼騰蛇弃鱗神龍喪角至人能變達士拔俗乘  
雲無轡騁風無足垂露成幃張霄成幄沆瀣當  
餐九陽代燭恒星豔珠朝霞潤玉六合之丙恣  
心所欲人事可遺何為局促其二曰天道雖夷

見幾者寡。任意無非。造物無可。古人繚繞。委曲如瓊。百慮何為。至要在我。寄愁天上。埋憂地下。叛散五經。滅弃風雅。百家謀碎。請用從火。抗志山樓。游心海左。元氣為舟。微風為柁。翱翔太清。縱意容冶。

蔡邕

字伯喈。母表公。妹曜。鄉姑也。少博學。師事太傅胡廣。邕飲至一石。嘗醉在路上。

卧人名曰醉龍。性沉審。志好琴。道熹乎中。入清溪。訪鬼谷。故居山五。曲曲有靈迹。每一曲。制一弄。曲成。出呈馬季長。歎異之。嘗避怨於吳。顧元歎從。學琴。邕歎異之。曰。卿

堯山堂外紀卷七

九

必成。今以吾名。典卿。碩。遂名雍。又是中郎所歎。因用歎為字。吳人有燒桐以爇者。邕聞火烈聲。知其良木。因請裁為琴。果有美音。時人名焦尾琴。又嘗經會稽高遷亭。見屋椽竹。東間第十六。可以為笛。取用。果有異聲。孔融與邕素厚。邕亡。后有虎賁士貌相類。融每酒後。引與共坐。曰。雖無老成人。尚有典刑。女琰。字文姬。初適河東衛仲道。夫亡。無子。後自胡中。歸。重嫁陳留董祀。

古詩客從遠方來。遺我雙鯉魚。呼童烹鯉魚。中有尺素書。書中竟何如。上有加餐食。下有長相憶。

此蔡中郎所作

蔡中郎又有翠鳥詩曰庭陬有若榴綠葉含丹榮  
翠鳥時來集振翼脩形容回顧生碧色鳥搖揚  
縹青幸脫虞人機得親君子庭馴心托君素雌  
雄保百齡

蔡中郎短人賦云雄荆鷄弓鶩鷺鷄鶻鳩鷓鴣  
鷓鴣冠戴勝弓啄木兒觀短人弓形若斯勢地  
蝗弓蘆郎且繭中踊弓蠶蠕須視短人弓形若  
斯木門閭弓梁上柱斲鑿頭弓斷柯斧鞞鞞鼓

堯山堂外紀卷七

十

弓補履僕脫杓椎兮擣薤杵視短人弓形如許  
蔡中郎青衣賦云金生砂礫珠出蚌泥歎茲窈窕

散在卑微矜情傲麗皓齒蛾眉縱橫接髮葉如  
低葵綺袖丹裳躡蹈絲屣盤躡躑躅坐起低昂  
和暢善笑動揚朱唇都冶斌媚卓犖多姿精惠  
小心趨事如飛中饋裁割莫能雙追同時河間  
張超聞而規之作誚青衣賦其略云彼何人斯  
悅此艷姿麗辭美譽雅句斐斐文則可佳志卑



意從鳳兮鳳兮何德之衰高岡可萃何必棘茨  
醴泉可飲何必濟池勤節君子無當自遠宜如

防水守之以一秦繆思譽故獲終吉東國宗敬中即不言

名咸稱蔡君兖州陳留並崑崙形像為之目曰文同三閭孝齊參騫

興平中天下喪亂蔡文姬沒於南匈奴在左賢王

部伍中十二年生二子曹操痛邕無嗣勅大將

軍以金璧贖歸文姬臨行作詩云家既迎兮當

歸寧兒呼母兮啼失聲我掩耳兮不忍聽比歸

堯山堂外紀卷七

操問邕遺書對曰亡父積書四千餘篇流離塗

炭固有存者今所誦憶裁四百餘篇因乞給紙

筆真草惟命於是繕書送上不遺一字文姬博學有才

辯又妙於音六歲時中即於夜中鼓琴絃絕問之曰第一絃復故斷一絃問之曰第四絃中即

曰偶中耳文姬曰吳扎觀風知四國吳心師曠吹律識南風不競由此觀之何足不知按晉書

后妃傳景獻羊皇后母蔡氏邕女也又羊祜傳祜邕外孫景獻皇后同產弟祜討吳有功將進

爵乞以賜舅子蔡邕詔封驥閑內侯是邕未嘗無嗣其女亦未嘗為董祀妻也

蔡文姬既歸胡人思慕之乃捲蘆葉為吹茄奏哀

堯山堂外紀卷七

十二

怨之音。後董生以琴寫胡茄聲為十八拍。其一曰我生之初尚無為我生之後漢祚衰天不仁兮降亂離地不仁兮使我逢此時干戈日尋兮道踣危民卒流亡兮共哀悲煙塵蔽野兮胡虜盛志意乖兮節義虧對殊俗兮非我宜遭惡辱兮當告誰筮一會兮琴一拍心憤怨兮無人知其二曰戎羯逼我兮為室家將我行兮向天涯雲山萬重兮歸路遐疾風千里兮揚塵沙人多

暴猛兮如虺蛇控弦被甲兮為驕奢兩拍張絃兮絃欲絕志摧心折兮自悲嗟其三曰越漢國兮入胡城亡家失身兮不如無生疆表為棠兮勞肉震驚羯羶為味兮枉過我情鞞鼓喧兮從夜達明胡風浩浩兮暗塞營傷今感管兮三拍成銜悲畜恨兮何時平其四曰無日無夜兮不思我鄉土稟氣倉生兮莫過我晷若天災國亂兮人無主唯我薄命兮沒戎虜殊俗心異兮身

難處嗜慾不同兮誰可與語尋思涉歷兮多難  
阻四拍成兮益悽楚其五曰雁南征兮欲寄邊  
穀雁北歸兮為得漢音雁飛高兮邈難尋空斷  
腸兮思悵悵攢眉向月兮撫雅琴五拍泠泠兮  
意彌深其六曰冰霜凜兮身苦寒饑對肉酪  
兮不能餐夜聞隴水兮聲鳴咽朝見長城兮路  
杳漫追思往日兮行李難六拍悲琴兮欲罷彈  
其七曰日暮風悲兮邊聲四起不知愁心兮說

堯山堂外紀卷七

十三

向誰是原野蕭條兮烽戍萬里俗賤老弱兮少  
壯為美遂有水草兮安家葦壘牛羊滿野兮聚  
如蜂蟻草盡水竭兮羊馬皆徙七拍流恨兮惡  
居於此其八曰為天有眼兮何不見我獨漂流  
為神有靈兮何事處我天南海北頭我不負天  
兮天何配我銖匹我不負神兮神何殛我越荒  
州製茲八拍兮擬俳優何知曲成心轉愁其九

曰天無涯兮地無邊我心愁兮亦復然生倏忽

兮如白駒之過隙然不得歡樂兮當我之盛年  
怨兮欲問天天蒼蒼兮上無緣舉頭仰望兮空  
雲烟九拍懷情兮誰與傳其十曰城頭烽火不  
曾滅疆場征戰何時歇殺氣朝朝衝塞門胡風  
夜夜吹邊月故鄉隔兮音塵絕哭無聲兮氣將  
咽一生辛苦兮緣離別十拍悲淚成血其  
十一曰我非貧生而惡死不能捐身兮心有以  
生仍冀得兮歸桑梓死當埋骨兮長已矣日居  
堯山堂外紀卷七

十四

月諸兮在戎壘胡人寵我兮有二子鞠之高之  
兮不差耻愍之念之兮生長邊鄙十有一拍兮  
因茲起哀響纏綿兮徹心髓其十二曰東風應  
律兮暖氣多知是漢家天子兮布陽和羗胡蹈  
舞兮共謳歌兩國交驩兮罷兵戈忽遇漢使兮  
稱近詔遣千金兮贖妾身喜得生還兮逢聖君  
嗟別稚子兮會無因十有二拍兮哀樂均去住  
兩情兮難具陳其十三曰不謂殘生兮却得旋

歸撫抱胡兒兮泣下沾衣。漢使迎我兮四牡駢  
駢。號失聲兮誰得知。與我生死兮逢此時。愁為  
子兮日無光輝。焉得羽翼兮將汝歸。一步一遠  
兮足難移。冤消影絕兮息愛遺。十有三拍兮絃  
急調悲。肝腸攪刺兮人莫我知。其十四曰身歸  
國兮兒莫之隨。心懸懸兮長如饑。四時萬物兮  
有盛衰。唯我愁苦兮不暫移。山高地濶兮見汝  
無期。更深夜闌兮發汝來斯。夢中執手兮一喜

堯山堂外紀卷

十五

一悲覺後痛吾心兮無休歇時。十有四拍兮涕  
淚交垂。河水東流兮心是思。共十五曰十五拍  
兮節調促。氣填胸兮誰識曲。慶穹廬兮偶殊俗。  
願得歸來兮天從欲。再還漢國兮歡心足。心有  
懷兮愁轉深。日月無私兮曾不照臨。子母分離  
兮意難任。同天隔越兮如商參。生死不相知兮  
何處尋。其十六曰十六拍兮思茫茫。我與兒兮  
各一方。日東月西兮徒相望。不得相隨兮空斷

賜對萱草兮憂不忘。彈鳴琴兮情何傷。今別子  
兮歸故鄉。舊怨平兮新怨長。泣血仰頭兮訴蒼  
蒼。胡為生兮獨罹此殃。其十七曰十七拍兮心  
鼻酸。閔山阻脩兮行路難。去時懷土兮心無緒。  
來時別兒兮思漫漫。塞上黃蒿兮枝枯葉乾。沙  
場白骨兮刀痕箭瘢。風霜凜凜兮春夏寒。人馬  
饑羸兮筋力單。豈知重狩兮入長安。歎息欲絕  
兮淚闌干。其十八曰胡笳本自出胡中。緣琴翻  
出音律同。十八拍兮曲雖終。響有餘兮思無窮。  
是知絲竹微妙兮。造化之功。哀樂各隨人心  
兮。有變則通。胡與漢兮異域。殊風天與地隔兮。  
子西母東。苦我怨氣兮。浩於長空。六合雖廣兮。  
受之應不容。

鄭玄

字康成。師扶風馬融。融勤學。夢見一林

花如錦繡。房中摘此花食之。及寤。見天  
下文詞。無所不知。時人號為繡囊。玄三載  
無一業成。融遣還。玄過樹陰假寐。夢一老  
父以双開其心。傾墨汁著玄心內。於是遂  
返精洞典籍。人以為經袖常居。不其城南。

山中教授黃巾亂乃避道生徒諸賢於此  
揮涕而歆所居山下有草如薤葉長尺餘  
許俗謂康成書帶表紹嘗戲玄欲玄必醉  
會者三百餘人皆離席奉觴度玄飲三百  
餘杯而溫克之容終日無怠孔融雅敬玄  
屣履造門告高密縣為玄特立一鄉曰鄭  
公鄉玄有子為融吏融被圍往赴為賊所  
害有遺腹子以丁卯日生而玄以丁卯歲  
生名曰

小同

鄭玄家奴婢皆讀書嘗使一婢不稱旨將撻之方

自陳說玄怒使人曳著泥中須臾復有一婢來

問曰胡為乎泥中答曰薄言往愬逢彼之怒

堯山堂外紀卷

十七

孔融

字文舉孔子二十四世孫十歲時詣李膺膺甚奇之太十六夫陳韋戲曰小時

了大未必佳融曰想君小時必當了了  
韋大駭錯後為北海太守累遷大中大夫  
與曰衣衾後放言傲物衛謂仲尼不死融  
謂顏回復生却慮與有隙諧之為曹操所  
害

孔融作郡姓名字詩云漁父屈節水潛匿方離魚

與肯進止出行施張離日字魚呂公磯釣悶口

渭傍誰口九域有聖無土不王離或字口好是

正直女回于匡離子海外有截隼逝鷹揚當離

恐古文與今文不同合成孔也六翮將奮羽儀未彰離鬲字蛇龍

之蟄俾也可忘離丑字合成融玫瑰璇隱曜美玉韜光去五

成文不須合無名無譽放言深藏離與字按轡安行誰

謂路長離才字合成舉蓋離合魯國孔融文舉六字古詩

有離合體近人多不解此体余讀文類得北海

此詩如首章云漁父屈節水潛匿方與昔進止

而行弛張第一句漁字第二句水字漁犯水字

而去水則存者為魚于第三句有昔字第四句

有出字皆化出字而天出則存者為日字離魚

典日而合之則為魯字四章類此此離一字

偏菊為兩句而四句委合為一字首

堯山堂外紀卷十八

孔北海好酒及客恒曰坐客長滿樽中酒不空

吾無憂矣嘗作詩云師承酒債多門客聚幾行

高談滿四座一日傾一觴

禰衡字正平年未及冠而孔文舉已踰五十

漫滅無兩通或問當今誰可禰曰大兒孔文舉小兒揚德祖

禰衡常有辭吊張衡曰南岳有精君誕其姿清和有理君達其機故能下筆綉辭揚手文飛昔伊尹值湯呂尚遇旦嗟矣君生而獨值漢蒼蠅爭



飛鳳凰已散。元龜可羈。神龍可絆。石堅而朽。星華而滅。惟道興隆。悠永靡絕。君音永浮。君聲永

流。余生雖後身。亦存遊。士貴知己。君其勿憂。魏武

帝圖欲辱衛。乃錄為鼓吏。後朝會大閱。試鼓。詔作三重閣。列坐賓客。以帛絹製衣。作一岑。年一

單絞。及小鞞。鼓吏度者皆當脫其故衣。著此新

衣。次傅衛鞞。擊鼓。吾漁陽。搥槌。蹋地。來前音。詔

殊紗。既度。不肯易衣。吏呵之。衛便止。當武帝前

先脫鞞。次脫餘衣。裸身而立。徐徐乃著岑。年。次

著單絞。後乃著鞞。畢。後擊鼓。搥槌而去。帝笑。謂

四坐曰。本欲辱衛。反辱孤。乃送衛於荊州。

為黃祖掌書記。與祖子射共讀。蔡伯喈碑。射恨

不繕寫。衛一覽。惟識之。惟第四行中石盡磨滅。

堯山堂外紀卷十九

兩字不分。明。馳使。為禪。惟兩字不着。一日。禮

大會。有獻鸚鵡者。如請賦。以娛賓客。衛攬筆而

就辭。其甚麗。後于座。上言不遜。為祖所害。

魏伯陽。吳人。本高門之子。而性好道術。作參

意。典弟子三人。入山作神丹。成乃曰。先

宜與犬試之。若犬飛。然後人可服。乃與犬

食。犬即死。伯陽服丹入口。即死。一弟子服

之。亦死。徐二弟子遂不服。乃共出山去。後

伯陽即起。將所服丹。內弟子及犬口中。皆起。遂皆仙去。二弟子乃始懊恨。

參同契後叙云。鄙會鄙夫。幽谷朽生。委時去害。依

記丘山。循遊寥廓。與鬼為鄰。百世一下。遨遊人

間湯遭厄際水旱隔屏乃隱魏伯陽字又越絕書絕篇之言曰以去為姓得衣乃成厥名有米

覆之以庚禹來東征死塋其鄉不直自斥託類

自明又曰文屬詞定自于邦賢以口為姓承之

以天楚相屈原與之同名去得衣乃袁字米覆

庚乃康字禹塋會稽是乃會稽人袁康以口承

天吳字屈原同名平字與康同著此書者乃吳

平也東漢末文人子作隱語孔融隱其姓名於離合詩曰伯陽正姓名於參同契融共

堯山堂外紀卷

伯陽俱漢末人故稍同則越絕書之著為同時何疑

焦光字芳然漢末及魏文禪結茅獨止其中太守董經往視之不肯語常食白石

以分其人譏教如子食之後不知所適今鎮江焦山以先得名

魏伐吳有竊問隱士焦光光不應謬歌云祝劬祝

劬非魚非肉更相追逐本為殺牂羊更殺殺麕

後魏軍敗人推其意牂羊指吳殺麕指魏也

堯山堂外紀

堯山堂外紀卷七終

